

I

M I S S A
S. FRANCISCI XAVERII
SOCIETATIS IESV
CONFESSORIS.

**A Sac. Rituum Congregatione recognita, & appro-
bata, die 3 Novembris 1663.**

I N F E S T O
S. Francisci Xaverii Confessoris.

Introitus.



O S justi meditabi-
tur sapiéntiam,
& lingua ejus lo-
quétur judicium:
lex Dei ejus in
corde ipsíus. **Psal-**
mus. **N**oli æ-

mulári in malignántibus: neque
zeláveris facientes iniquitátem.
✠. Glória Patri.

Oratio.

D Eus, qui Indiárum Gentes
beáti Francisci prædicatiô-
ne, & miraculis Ecclesiæ tuæ ag-
gregáre voluísti; concède propi-
tius, ut cujus gloriôsa mérita ve-
nerámur, virtútum quoque imi-
témur exémpa. Per Dóminum.

L éctio libri Sapiéntiæ.

B Eátus vir, qui invéntus est si-
ne mácula: & qui post au-
rum non ábiit, nec sperávit in pe-
cúnia, & thesáuris. Quis est hic,
& laudábitus eum? fecit enim
mirabília in vita sua. Qui probá-
tus est in illo, & perfectus est, erit
illi glória æténa: qui pótuit

tránsgredi, & non est transgrés-
sus: fácere mala, & non fecit:
ideò stabilita sunt bona illíus in
Dómino, & eleemósynas illíus
enarrábit omnis Ecclesiá sanctô-
rum.

Graduale. Iustus ut palma flo-
rébit: sicut cedrus Líbani multipli-
cábitur in domo Dómini. **✠. Ad an-**
nunciándum mane misericórdiam
tuam, & veritátem tuam per no-
ctem. **A** llelúja, allelúja.

✠. Beátus vir, qui suffert tentatiô-
nem: quóniam cùm probátus fúe-
rit, accípiet corónam vitæ. **A** llelúja.

Post Septuag. omisso A llelúja,
& **✠. sequenti, dicitur Tractus.**

B eátus vir, qui timet Dóminum:
in mandátis ejus cupit nimis. **✠. Po-**
tens in terra erit semen ejus: gene-
rátio rectórum benedicétur. **✠. Gló-**
ria & divítiæ in domo ejus, & justí-
tia ejus manet in sæculum sæculi.

Tempore Paschali omittitur
Graduale, & ejus loco dicitur
A llelúja, allelúja.

✠. Beatus vir, qui suffert tentatiô-
nem: quóniam cùm probátus fúe-
rit, accípiet corónam vitæ. **A** lle-
lúja. **✠. Amávit eum Dóminus, &**

ornavit eum : stolam gloriæ induit eum. **A**llelúja.

Sequéntia S. Euangélíi secúndum Lucam.

Luc.
12. c.

In illo témpore : Dixit Iesus discipulis suis : Sint lumbi vestri præcincti , & lucernæ ardentes in manibus vestris , & vos símiles homínibus expectántibus dóminum suum quando revertátur à nuptiis : ut cum vénerit , & pulsáverit, conféstim apériant ei. Beáti servi illi , quos cum vénerit dóminus, invénerit vigilántes : amen dico vobis, quod præcinget se, & faciet illos discumbere , & tránsiens ministrábit illis. Et si vénerit in secúnda vigília , & si in tértia vigília vénerit , & ita invénerit , beati sunt servi illi. Hoc autem scitôte , quóniam si sciret paterfamilias , qua hora fur veníret , vigiláret útique, & non síneret perfodi domum suam. Et vos estôte

parati, quia qua hora non putátis, Fílius hóminis véniet.

Offertorium. Véritas mea , & misericórdia mea cum ipso : & in nómine meo exaltábitur cornu ejus.

Secreta.

Præsta nobis , quæsumus omnípotens Deus : ut nostræ humilitátis oblátio , & pro tuórum tibi grata sit honóre sanctórum , & nos córpore páriter & mente puríficet. Per Dñm nostrum.

Communio. Beátus servus , quem cum vénerit Dóminus , invénerit vigilántem : amen dico vobis , super ómnia bona sua constituet eum.

Postcommunio.

Quæsumus, omnípotens Deus : ut qui cæléstia aliménta percépimus : intercedente beáto Francíscó confessóre tuo , per hæc contra ómnia advérsa muniámur. Per Dñm nostrum, &c.

